

लईका मन बर बाईबिल
प्रस्तुत करत हवे।



राजकुमार के
एक ठी चरोइया
बनना



लिखे गए हवे। : Edward Hughes

उत्साह बढ़ाए गए हवे। : M. Maillot; Lazarus

चयन करे गए हवे। : E. Frischbutter; Sarah S.

अनुवाद करे गए हवे। : मधुलिका महतो

बनाए गए हवे। : Bible for Children
www.M1914.org

©2015 Bible for Children, Inc.

लाइसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।



एक दिन मूसा कोन्हो
मिसरी ला एक ठन
हिबरू ला मारत
देखिस ।



जबके मूसा, फिरोन के महल म एक ठी
राजकुमार के रूप म पलए-पोसाए अउ
सिछित होए रहिस, तउनले
घलाव ओहर एकठी यहुदीच
रहिस। ओला गुलाम मन
कर घलाव मदद
करए ला
रहिस।



मूसा, अपन नजर ला चारो कति घुमात रहिस कि कोन्हो घलाव ओला देख झन ले उ निरदयी दास मन के स्वामी उपर मा घात करिस, इ रेंध म, मुसा हा उ मिसरी ला मार डारिस। अउ झट के ओहर ओखर, लास ला माटी दे दिस।



आघु दिन, मूसा दूठी इबरी मन ला आपस में रेंध करत देखिस। ओहर ओमन ला रोके के कोसिस करसि। एक झन कहिस “का तेहर उ मिसरी कस मोला घलाव मार डारबे?” मुसा हा डराइस। सब्बो मइनसे मन ला काल के बारे म पता चल गए रहिस। फिरोन ल घलाव पता चल गय रहिस। मूसा ला भागे बर होही। ओहर

मिदयान नाव के
देस म भाग गईस।



मुसा एकठी चूँआ के तीर म सुरतात रहिस, उहे मिदयान के याजक के सात ठी बेटी अपन ददा के झुंड ला पानी पियाय बर कठौती म पानी भरत रहिन ।



अलगा चरौइया मन ओमन ला धकिया के एक अंगत हटाय के कोसिस करिस। मुसा उ नोनीपिला मन के रकछा करके ओमन के मदद करिस।



नोनीपिला मन के ददा रूएल हा अकचका के पुछिस, "तुमन आज झट के घर आ गया!" जभे नोनीपिला मन बुझाइन त ओहर कहिस, "उ मइनसे ला इहाँ लावा" "मुसा हा रूएल के संग मा रहिस जेन हा जेथरो के नाव ले घलाव जानत रहिन।" आघु चल के,

मुसा रूएल के सबले बड़खा बेटी ले बिहा करिस।



अब मिसर म, फिरोन मर
गए रहिस। भगवान कर
मइनसे इबरी अभो घलाव
गुलाम रहिन।




ओमन अब्बड़ दुख मा अपन
जिनगी ला जीयत रहिन।
ओमन भगवान करा मदद
बर बिनती करत रहिन।



भगवान हा ओमन
कर बिनती ला सुनीस।



मुसा ला ये पता नई रहिस, लेकिन भगवान हा गुलाम इबरी मन के मदद बर ओला उपयोग करेके योजना बनाईस। मुसा ला मिसर छोड़े चालीस बछर बीत चुके रहिस। ओहर रूएल के झुड के चरौइया रहिस। लेकिन मिसरी मन ओखर मइनसे मन के सुरता जरूर आत रहिस होही।



एक दिन मुसा लकठा के एक ठी झारी म
आगि ला देखिस। लेकिन आगि हा झारी
ला जलाए नी पात रहिस। मुसा एखर
पता लगाए के फइसला करिस।



जइसनेच मुसा हा झारी के लकठा म पहुँचिस, भगवान हा झारी म ले मुसा ला नरियाइस, “मुसा!” मैय हा इहाँ हो, “मुसा हा कहिस” अउ लकठा झन आ, “भगवान हा कहिस अपन गोड के पनहि ला उतार ले, जेन भुइंया मा ठाढे हावस ओहर पबितर भुइंया हावय।”



भगवान हा कहिस, "मैहर अपन मइनसे मन ला मिसर ले
बाहिर निकार लाय बर तोला फिरोन करा भेजहा" लेकिन
मुसा हा उहां जाय बर डराए लागिस ।



फेर भगवान हा मुसा ला अपन महान सक्ती ला देखाइस ।
ओहर मुसा के लउठी ला सांप म
बदल दिस ।



जभे मुसा हा सांप के पूँछी अंगत ले धर के अलगाईस त ओहर फेर
ले ओखर लउठी बन गिस। भगवान हा एकठी अउ
चिनहा दिस।




तउनहा आग्या दीस "छाती म अपन हा थल राख "मुसा उसनेच
करीस। ओखर हाथ हा कोढी रोग ले भर के
पररा हो गिस।



ओहर फेर उसनेच करिस अउ ओखर हाथ हा चंगा होगिस ।



मुसा हा अभे घलो आपत्ति जताईस । ओहर भगवान ला बताईस,
“मैहा बने अकन ले गोठियाय नई सकअव । भगवान हा जंगईस
ओहर कहिस, मय हा तोर भाई हारून ला उपयोग करहा, तैहा
ओला गोठियाए बर बोली बता ।”



मुसा, जेथरो करा लहुटिस, अपन समान ल बांधिस अउ मिसर बर
निकर गिस।



भगवान हा, मुसा के भाई हारून के
अगुवाई करिस की ओहा पहार म मुसा
ले मिलिस। मुसा हा सब्बो हिबरू
मइनखे मन ला मिसरीवासी कर
गुलामी ले छुड़ाय बर मय हा
भगवान के योजना ला
हारून ला बताए।




दुनो संग मा, यहुदी अगुवा करा दू
खबर ला पहुंचाइस। जभे मुसा
हिबरू अगुवा मन ला इ बड़खा
चिनहारी ला देखाइस तभे ओहा
बिसवास करिस कि भगवान हा
ओखर मदद करहि।




संग म, ओमन कोंघर के भगवान के बिनती करीन ।



हिम्मत धर के मुसा हारून फिरोन करा गइन ।
तेउनमन ओखर ले कहिन कि, "भगवान कथे कि,
मोर मइनसे मन ला जान देवा ।"



मय हा इसराइल ला जान नई देवा, "फिरोन ह
जुआब दिस।" ओहा भगवान के आग्या के पालन
नई करे।



भगवान ला फिरोन के मन ला बदलए बर ओखर
बड़खास सक्ती के उपयोग करए ला होही ।



राजकुमार के एक ठी चरोइया बनना

इ कथा हर भगवान के बचन के द्वारा एक ठी बाईबिल

पाए जाथे ।

निर्गमन 2-5

"आप मन कर बानी हर एला अंजोर देथे ।"

भजन संहिता ११९ : १३०



समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

